

տէր դառնալ: Կամ նրանց տաճարներն ու սրբա-  
վայրերը հիմնայատակ քարուքանդ անելուց յե-  
տոյ, սոսկալի տանճանքներ տալով մահմեդական  
կրօնն ընդունել տալ և ապա մարդկանց ու տե-  
ղազրական անուններն այն աստիճան փոփոխել  
և թրքացնել, որ քրիստոնէութեան հետքն անգամ  
չմնար աշխարհիս վրայ: Ի զուր չէ ասուած, թէ  
«որ և է մահմեդականի ձիու սմբակով ոտք կո-  
խած տեղը այլևս երբէք խոտ չի բուսնի»: Ահա  
այսպէս, Մահմեդական կրօնին հետևող լեռնա-  
կանների մոլեռանդ և արիւնարբու զաւակները  
քարուքանդ արին Ուտիացոց և Աղուանից եր-  
կրները:

Ինչպէս ասացի, Հայ քրիստոնեայ բնակչու-  
թեան մի մասը բնաջինջ արին — կոտորեցին  
անխնայաբար, մի մասը սոսկալի տանջանքների  
ենթարկելով, բռնութեամբ դարձրին մահմեդա-  
կան, իսկ միւս ամենամեծ մասը գերի տարան և  
բշեցին Պարսկաստանի խորքերը: Աւանդաբար  
ձերունիները պատմում են, որ դարերի ընթաց-  
քում Աղուանից և Ուտիացոց երկրներից տա-  
րուած անթիւ ու անհամար հայ քրիստոնեանե-  
րից սերուելով և հետզհետէ աճելով ու բազմա-  
նալով են գոյացել այժմեան Աղուանիստանն ու  
Բելուջիստանը: Այս բանը հաւանական է թւում  
հէնց այն բանից, որ այդ երկու երկրների անուն-  
ներից Հայերէն լեզուի հոտ է բուրում:—Աւղան-  
ստան, որ նշանակում է Աւղանների բնակուած  
տուն, իսկ Բել-Ուտիստան՝ աղաւաղուել և մահ-  
մեդականների բերանում փոփոխուելով՝ դարձել